

SCRIPT OF MORNING GOJRI NEWS BULLETIN 3 FEB 2025

1015HRS

مارننگ گوجری نیوز بولٹن 3 فروری 2025

یوہ آکاشوانی جموں ہے عبدالرحمان تیں خبر سُنو۔

JPC

وقف ترمیمی بل ۲۰۲۲ ور سانجی کمیٹی یعنی جے پی سی غی رپوٹ اج لوک سبھا مانہ پیش کی جے گی۔ سانجھی پارلیمانی کمیٹی غا چئرمین جگدمہیکا پال بی جے پی غا ممبر پارلیمنٹ سنجے جسوال غے سنگ اس جائینٹ کمیٹی غی رپوٹ پیش کرینگا۔ ۵۲۰۲ نانہ لوک سبھا سامنت رکھا گیا شواہد غو ریکارڈ وی پیش کرینگا۔ رپوٹ ۰۳ جنوری ۵۲۰۲ نانہ لوک سبھا سپیکر اوم برلا نانہ پیش کی گئی تھی جے پی سی نے وقف ترمیمی بل غی حتمی رپوٹ تے نظر ثانی شدہ ترمیمی بل۔ ۹۲ جنوری بروز بدھ نانہ منظور کرلیو تھو تاہم حزبا اختلاف غا رہنماواں نے اس رپوٹ ور اپنا اختلافی نوٹیس جمع کروایا جے پی سی نے پہلا ۵۹۹۱ غا وقف قانون مانہ ۴۱ شق تے ۵۲ ترمیمیں سنگ نظر ثانی کی تھی۔ واضع رہ جے پارلیمنٹ گو طحٹ اجلاس ۱۳ جنوری نانہ شروع ہوو تھو جھپڑو ۴ اپریل تک جاری رہ غو۔

BADHAAL AIIMS TEAM

ایمز نویں دلی غی ایک ۶ رکنی ماہر ٹیم جس غی قیادت ڈائریکٹر پروفیسر ڈاکٹر ایم سرینواس کر رہیا ہیں۔ تے راجوری غا بدھال گراں غو دورو کیو ہے۔ جت ۷۱ افراد ایک پراسرار بیماری سنگ جانبحق ہو گیا۔ ٹیم نے متاثرہ کہراں تیں پانی تے کوارک غا نمونہ اکٹھا کیا تے انہاں نانہ ٹسٹ واسطے پیجیو ہے۔ ماہرین ٹیم نے گراں گا لوکاں سنگ ملاقات کی تے گورنمنٹ میڈیکل کالج راجوری مانہ زیر علاج مریضاں گو معائینو کیو جی۔ ایم سی راجوری غا ڈاکٹراں نے ۱۱ مریضاں گو علاج کیو ہے۔ جنہاں نانہ ذہر مخالف دوا ایٹرو پائین دتی گئی۔ ایمز غا ماہرین غے نال نال پی جی آئی چندیگڑھ غا ماہرین وی زہریلہ مواد غی نوعیت غی تحقیق کر رہی ہے۔ اسے دوران پچھلے کج تہاڑاں مانہ اس علاقہ تیں ایسو کوئی نوو معاملو باندھے نہیں آوے۔ مگر بدھال کراں اجوں وی ایک کنٹینمنٹ زون ہے جت پابندی غا احکامات نافض ہیں۔ تاہم جموں کشمیر حکومت غی طرفوں تشکیل دتی گئی ۱۱ رکنی ایس۔ آئی۔ ٹی اجوں وی معاملہ غی تحقیقات وحل مانہ مصروف ہے۔

LG BHU

آباد مانہ منعقد جنوبی بھارت بی ایچ یو سابقہ طلباء کانفرنس غے دوران بنارس ہندو یونیورسٹی یعنی بی ایچ یو غا یوم تاسیس ور جموں کشمیر غا لیفٹیننٹ گورنر منوج سنہا نے کہیو جے اج بی ایچ یو نے نہ صرف مہاری بنیادی روایات اقدار تے ثقافت نانہ مضبوط رکھیو بلکہ تعلیمی نظام نانہ بدل غیبھارت کی تقریر نانہ وی سوارپو مہا منا پنڈت مدن موہن مالویہ نانہ خراج عقیدت پیش کرتا وان لیفٹیننٹ گورنر نے بی ایچ یو گا آزادی غی جدو جہد مانہ اہم کردار تے آزادی تیں بعد سماجی و اقتصادی ترقی مانہ اس غا تعاون نانہ اُجاگر کیو۔ انہاں نے بی ایچ یو غا سابقہ طلباء غی کامیابیاں غی وی تعریف کی۔

SATISH SONAMARG

سرمائی کھیڈاں غا فروغ بارے ایک اہم پیش رفت مانہ برف تیں ٹکیا واہ تے دلکش سیاحتی مقام سونمرگ مانہ کل پہلی بار اسکیٹنگ تربیتی کورس غو انعقاد کیو گیو ہے۔ اس پروگرام گو افتتاح کھیڈاں بارے وزیر ستیش شرما نے کیو۔ اپنا خطاب مانہ انہاں نے ان سرمائی کھیڈاں تے سیاحت غا باہدا غی طرف ایک برو قدم قرار دتو تے کہیو جے یوہ نہ صرف مقامی ثقافتی ورثہ نانہ مزید فروغ دے گی۔ بلکہ سیاحت نانہ وی مستحکم کرے گی۔ یوہ پروگرام کشمیر پہرتی سکول غا بچاں نانہ پیشہ وارانہ اسکیٹنگ غی تربیت فراہم کرے۔ اس موقع ور وزیر موصوف نے سونا مرگ غی خوبصورتی نانہ آجاگر کرن واسطے ایک سرمائی میلہ غا انعقاد غو وی اعلان کیو۔

KHALEENI DODA TUNNEL

انتہائی متوقع کھلینی ڈوڈھ سرنگ پروجیکٹ ہون اپنا آکری مرحلہ مانہ بے تے اگلہ ۲ مہیناں مانہ مکمل ہون آلو ہے ڈپٹی کمشنر ڈوڈھ ہروند سنگھ غے مطابق یوہ اہم ٹھانچائی منصوبہ علاقہ مانہ رابطاں نانہ بہتر بنا ن تے سفر نانہ آسان کرن غو عودو کرے۔ جہیرو کہ مقامی ترقی واسطے ایک برو محرک ثابت وے گی۔ تکمیل غے قریب ہوتاں واں یوہ ٹنل نقل و حمل تے ڈوڈھ تک رسائی نانہ بہتر بنان مانہ اہم کردار ادا کرے گی۔ جس سنگ مقامی بسنیک تے سیاح دواں نانہ فائدو پُجے گو۔

DIR AGRICULTURE UDH.

محکمہ زراعت غا ڈائریکٹر جموں ایس ارویندر سنگھ رین نے حال ہی مانہ ضلع ادھمپور گو ایک مکمل دورو کیو۔ اس دورہ غو مقصد زراعت کی ترقی نانہ فروغ دینو تھو۔ انہاں نے مختلف حکومتی سکیمیں تے جامع زرعی ترقیاتی پروگرام غو جائیزو لیو۔ اپنا دورا غے دوران انہاں نے اہم منصوباں جسراں غی متی غی جانچ غی لیبٹریاں پوداں کی نرسری تے ۵۳ میٹرک ٹن کرائیم تیں پاک کھاد بنا آلی فیکٹری غو معائنو کیو۔ انہاں نے مقامی کاشتکاری طریقاں کی تعارف کی تے خاص طور ور مشروم غی پیداوار تے خود واسطے روزگار پیدا کرن غی تعریف کی۔

RAMBAN VATSALYTA

بچاں غی پہلائی بہتری غا مقصد سنگ وزارت کواتین وچہ ترقیات غی طرفوں مشن و تسالیہ غا ناں سنگ ایک سکیم چل رہی ہے۔ جس غو مقصد ضرورت مند نانہ بچاں نانہ دیکھ بھال تے تحفظ فراہم کرنو بے ضلع رام بن مانہ محکمہ سماجی بہبود غیر ادارہ جاتی دیکھ بھال ذمہ غے تحت بچاں نانہ ۴ ہزار روپیاں غی کفالت فراہم کر رہیو ہے۔ اس امداد دہی فائدو چان واسطے ضلعی بچہ تحفظاتی دفتر مانہ ضروری دستاویزات جمع کرانا وینگا خاصکر وے خاندان جہیڑا مالی طور مشکلات غو سامنو کر رہیا ہیں۔ یہ اقدام ہائیدار ترقی غا احداغ سنگ ہم آہنگ ہیں۔ جہیڑہ کہ بچاں غا تحفظ تے مجموعی ترقی غی جانب کم کرن ور زور دیں۔

WEATHER

محکمہ موسمیات غی طرفوں پیشن گوئی کی گئی ہے جے ۰۱ فروری تک جموں کشمیر غا گج حساں مانہہ رُک رُک غے بارش تے برفباری ہو سکے۔ محکمہ موسمیات غا سرینگر مانہہ واقع مرکز غا ایک عہدے دار غے مطابق اج شام تک موسم عام طور ور آبرآلود ہوجے گو۔ تے دیر رات تک گج اوچا مقامات ور ہلکی بارش تے برفباری ہو سکے۔ عہدیداراں گے مطابق ۴ تے ۵ فروری نانہہ موسم آبرآلود رہ غوتے گج ایک کھلا مقامات ور ہلکی تیں درمیانہ درجہ غی بارش و برف پے سکے۔
